



Branch Committee an meeting

Chanmari West, March 25: Ni 20.3.2012 zanah khan Branch YMA Vice President Pu R.Lalmachhuanate inah Branch Committee chu a tum lina atan an thu khawm a, Kumpulan hawn leh Intuai thar hun hman an rel. He meeting President Pu T. Ngurkhuma kaihhruai hian Thisen petute leh pek tum pe thei ta lote chungah lawmthu an sawi a, hetiang hi thisen pek dan kimchang a ni. Vanapa - 30, Chawngbawla - 25, Taitesena - 24, Khuangchera -24 leh Neuva -11, Mipa- 83 leh Hmeichhia - 31, avaiin - 114 a ni. Chanmari West Branch MHIP ten man chawi ngai lova Kuang tuamna tur an thui sak theih dawn avangin an lawm hle bawk.

Tun dinhmun a Chhiatni Fund luh tawh dan a tha thawkhat a, Taitesena - Rs.54,600 (88%), Khuangchera - Rs.54,700 (101%), Chawngbawla - Rs.52,875 (95%), Neuva - Rs 29,100 (79%), Vanapa - Rs.45,550 (75%) a vaiin Rs.2,36,825 (88%) a ni. YMAAW man luh dan pawh hetiang hi a ni, Chawngbawla - Rs.13,520, Vanapa - Rs.11,840 a ni a, Section dang atanga la thehluh loh a ni, April thla chhunga khawn fel vek turin Section te hi beisei a ni a, hetiang Section ten thahnemngai taka an thawk hi Branch Committee chuan lawmthu a sawi a ni.

YMA Kumpulan 'Ram leh hnam humhalh' hawnna leh intuaitharna chu March ni 29 (Ningani) zan dar 7- ah YMA Zawlbuk-ah hman tum a ni a, hetiang hian Programme duan a ni.
 Chairman : Pu C.Lalzarliana Treasurer
 Hunserh : R.Lalmalsawma Executive Member
 Kumpulan hawn : Pu T. Ngurkhuma President

Thlanmual Sub-Committee

Thlanmualah No 96 leh Tray 1 dah a ni a. Vanapa Section in No bawm an pek avangin lawmawm an ti hle.
 Ni 29.3.2012 zan dar 7:00 a Kumpulan hawnna neih turah Light incharge kan ni a, hruaitute kal theuh tur a ni.

Intuaitharna : Pu RL.Thanhnuna Secretary
 Solo : Tv.C.Lalnunfela 'T' NI.Lalbiakzuali 'V' NI.Jenny VL.Dinpuii 'N'

Seat rem buaipui turin Chawngbawl leh Neuva Section ruat an ni a, Sound lam chu Property Committee kutah dah a ni thung. Light hi Thlanmual Sub-Committee ten an bitum anga, Pu K.Darthantluanga'n Banner a lo ngaihtuah ang a, Vanapa Section ten ushering an thawk ang. Ei in tuihna tak tak awm tura beisei a ni.

He hun hi Branch Committee chuan a ngai pawimawh hle a, Hruaitu leh memberte a tam thei ang ber kal turin a beisei tlat a ni.

Local Council News

TENDER NOTICE

Chanmari West - I.F.P Shop Retailer hna a dil theih a. He hna dil duh chuan a hnuai hming ziak hnenah Dt 30.3.2012 ral hma ngeiin dilna Office hun chhungin thehluh tur a ni. Diltu chu vengchhung mi ngei a ni tur a ni a, kum tling lo tan dil theih a ni lovang.

Sd/-
 V.L. HRUAIZELA KHIANGTE
 District Civil Supply Officer (East)
 Aizawl

HRIATTIRNA

Gas Card thar siam tura hmalak mek a ni a, Gas Card thar siam hma chu a hlui hmangin Gas lak tur a ni.
 In sa thar tur/sakbelh tur leh siam thar tur chuan The Aizawl Municipal Building Regulation 2011 dan an zawm tur a ni, Local Council hriattir thin tur a ni.
 Kangmei laka kan him tlan theih nan i fimkhur ang u. Kangmei ti chhuak awlsam thei chi reng reng phalna nei lo chuan zawrh leh kawh khap tlat a ni a, Gas leh Electric lam chi fimkhur taka hman leh enkawl tur a ni.

Branch News

Kuang tuamna puan man chawi a kan thui thin chu, Chanmari West MHIP ten a thlawmin min thuisak dawn a, an chungah lawmthu sawi a ni.

Ni 29.3.2012 zana Kumpulan hawnna leh Intuaitharna neih turah kan Branch YMA a nihna nei zawng zawngte chu kim taka kal tur a ni. Tin, member te pawh a tam thei ang ber kal turin kan in sawm a ni.

Information Centre siamthat mek a ni.

YMAAW man leh chhiatni fund Section hruaitu ten an khawn zel a, la pe lo te chuan tlawmngai a lo pe zel turin kan in ngen e.

YMA chanchinbu la duh tur Section ten March thla ral hmain Tv. Zairemmawia Assistant Secretary hnenah hriattir tur a ni

PEM CHHUAK

Pu R.Lalankimate chung, Pu H.Chuangsa 'V' Section-te In luahtu chu Sethawn-ah an pem.

IN LUAH TUR DUH TAN

Zawlbukah chenna tur luahtu duh tan hmun ruak a awm a, luahtu duh chuan Zawlbuk Working Committee Chairman Pu K. Darthantluanga hnenah dilna form siam sa la chhuakin Ni 29.3.2012 ral hmain dilna thehluh theih a ni e.

HRIATTIRNA

Kum 2011 a Vanapa Section-in Zoram chhiah an pekna Receipt la lam lo zawng zawng chuan tun thla chhungin Pu PC Lalawmawia hnenah lam tur a ni a. Hun tiam chhunga lam lote chu an duh tawh lo ang a ngaih a ni ang.



TUNKAR CHANGVAWN

"Lalpa, Lalpa mi ti nazawng chu van ramah an lut lo vang a; ka Pa vana mi duhzawng titu erawh chu an lut ang."

Matt 6:21

Editorial Board

Editor:	J.Lalnangliana	9862399658
Joint Editor :	Lalchhandama	9862358347
News Editor :	Thangkhuma	9862303135
	R. Lalrinnggheta	9862358337
	Jacob Lalrinsanga	9612319779
Cir.Manager :	Johny Lalthanpuia	9612359161
	EVL. Hruaitluanga	9862655426
Production Manager :	R.Lalmachhuana	9436151817

Branch Office Bearer

President	T. Ngurkhuma	9436190843
Vice President	R. Lalmachhuana	9436151817
Secretary	RL. Thanhnuana	9436152760
Asst. Secretary	Zairemmawia	9862385654
Treasurer	C. Lalzarliana	9436142049
Fin.Secretary	K. Darthantluanga	9436196071
Adviser-te :	Pu Lalbiakthanga Khiangte	
	Pu Rothuama, Pi Zamanthangi	
	Pu Lalrengpuia Sailo	

Editorial :

YMA in kum puan kan nei a, ropui takin kan Branch pawhin kan hawng dawn a ni. Kan kum puan hi Ram leh Hnam humhalh a ni a, engtiangin nge kan humhalh ang a, kan thawh ang tih kan zirho nghal dawn a ni.

Ram leh hnam humhalh hi a chhunga chengte mawhphurhna a ni a, vaiho emaw sapho emaw hian minrawn thawh sak dawn loh avangin a chhunga cheng mizote hi kan pawimawh em em a, nupui pasal thu-ah emaw, sum leh pai vang emaw in hnam leh ram hi hralh theih a ni a, a bik takin Chanmari West mipui hi kan fimkhur a, kan inven that angai a ni.

Chutih ruala tul tak pakhat chu Moral reform kan neih angai a, changkanna emaw mi tihdan anih vang ngawt a kan tih ve kher loh tur tam tak a awm ang, chuvang tak chuan intuaitar hun kan hman nghal tur pawh hi, kan hman tangkai a, hruaitute phei chuan he hun hi kan ngaihpawimawh a, kan kal ngei angai a ni.

U Chhuanawma a'n chet tak tak hi chuan a hlimawm thin a, a lawmawm baw. Thu chhuah turah mihring hming atam thin rih a, in hrethiam tlang teh ang u.

2012 Thuvawn

I awmdan tur chu LALPA chungah nghat la; Amah chu ring la, aman a ti vek ang.

Article :**KUM 50 HNUAH CHANMARI WEST**

- R.Lalchhuanawma

Tun atanga kum 50 awm leh tura kan veng Chanmari West awmdan tur i han thlirlawk teh ang. (Kan Lalpa Isua Krista a lo la kal lo anih hlauh chuan leh liringhing min la sawp chhe lo te anih chuan) Kan veng hi Aizawlah pawh veng lian pawl tak alo ni ve ta reng mai a, Presbyterian kohhran phei chuan kohhran indan tumin hma a la mek a, Biakin thar tur pawh an sa tlut tlut tawh a nih hi. Mizoram hmar lamah hian Presbyterian hi kohhran lian ber niin, kohhran an indan hian a hnu lawkah vengthar/ VC thar a piang zui deuh zel a, Chanmari West ngei pawh 1986 ah Chanmari kohhran atanga Presbyterian kohhran Preaching Station a awm tanin, 1988-ah VC hran neiin 1990-ah YMA Branch thar a lo awm ta anih kha.

Kum 50 a lo vei meuh chuan Chanmari West ah pawh hian YMA Branch 4 (pali) a awm tawh ang a, chu'ng Branch pali te chu CHAN Branch YMA, MA Branch YMA, RI Branch YMA leh WEST Branch YMA tih hming pute pawh anni mai thei. YMA Branch hran ni tawh mah sela Joint YMA-in nghet takin a suihkhawm reng ang.

power chungchang: Kan sawrkar hmalak mekna Tuirial Hydrel Project MW 160 pe chhuak thei te, Chhimtuipui Hydrel project MW 300 chuang pe chhuak thei tura ruahman te hi peihfel vek a ni tawh ang a, power supply ah chuan kan hnianghnar tawh ngawt ang. Tin, Meidum khua leh a chhehvela ONGC Gas laihchhuahna hmunpui atang hian Oil leh Natural Gas tam taw tak tharchhuah a ni tawh baw ang, chhim lamah pawh kan hman sen loh an siak chhuak rei rui tawh dawn a ni. Hei vang hian tunlai a Gas harsatna ang hi sawi tur a awm tawh lo anga, In tinah Gas connection (Electric wiring ang hian) a awm tawh ang a, Gas Cylinder put ngai tawh lovin a hmunpui atangin Pipe-in a inzawm vek tawh dawn a, duh hun huna **on** mai tur a ni tawh ang.

solar energy: Power supply an hnianghnar tawh dawn avangin thil tih theih loh a awm tawh lovang a, kan veng atanga Ni chhuak en tura khawthlang lam hawi ngai ziah pawh hi a reh tawh ang. Engvangin, Engtin maw? Ele Rangvamual chung zawn velah khuan ni chhuah veleha kan vengrawn kap eng tur Solar Plate (darthlang chikhat ti mai ang) an dah ang a, chu chuan thlasik lai pawhin ni chhuah hun zing dar 10/11 vel

ngah kher ngai lovin chhuah lamin ni chhuak an hmuh veleha a rawn en ve nghal ut tawh mai dawn a ni. A ban (post) phun dan tur leh a inkhaikan dan tur velah ilo buai a ni maw? buai duh suh, thangtharte finna a sang tawh lutuk! tunah pawh US unaute chuan Sikeisen programme hial an neih tawh hi!! He solar plate hi source of energy turu lutuk mai a ni dawn a, (*Mizo tawngin a daih tlat lo, sap tawng kan zep zeuh zeuh ang, thil a changkang tawh dawn lutuk a, lo hrethiam mai teh u*) he thil tangkai tak hi Pu Germanruna (L) thlah kal zel ten Israel leh Arab innghirnggho dan an zir chianna lama an indona *weapon* chi khat atanga an hmuhchhuah a ni nghe nghe. He thil hi kan tlaklam unau Tuikual veng etc ten an awt em em ang, a Blueprint neih ve dan phet an ngaihtuah ang a, an hmuchhuak ve thei si lo ang. He Solar Plate hi Sector chi hrang 139 a thensawm niin, Sector khatah ngawt pawh hian sub-circuit leh cabinet sing chuang zet a awm ang. YMA Branch committee phalna in a Blueprint Sector XL pakhat chauh pawh cheng nuai sawmnga zelin an hralh chhuak ang a, chu chu section YMA sumtuakna chikhat a ni ang. (*Pu Lianchhuna leh Pu T.Bualzika te hova iei laia YMA sumtuak ngawt ai chuan a hlawk deuh ngei ang!*) He Solar Energy hian power tam lutuk a pechhuak dawn a, vengchhung ta bil anih dawn avangin Tuirial, Bairabi etc atanga a power supply te chu a hming chauhin an hmang ve ang.

yma park: YMA Park chungah hian Multi Purpose Centre zau tak mai siam a ni ang a, tuna Zawlbuk building hi ban thlang lam kilkhat a hmangin Kawrpui lam Khaungchera section YMA bungraw dahna velah hian ban kil lehlam a ding luah baw ang, Pu Zarzoenga te inbul kawngpui rual/zawl hian hmun zawl zau tak siam a ni ang a, chu hmun chu khawl chi hrang hrang inbun khawmna hmunpui leh khawtlang thil chi hrang hrang tihkhawmna hmun a ni ang. He construction turu lutuk hi Pu J.Lalrova 'V' leh Pu K.Lalramhluna 'CH' thlah kal zel joint family ten an din "J&K Construction Company, cw,azl. pvt.ltd" ten hlawkna um miah lovin, vengchhung tana rohlu tur anih hria in a sak hna hi an thaw ang. Park-a thingte hi a thih mai ilo hlau deuh a ni maw? hlauh thawn tur a awm lo, boruak thianghlim leh ni eng leh ruahtui duhtusam hmu thei a siamin, Green House changkang lutuk a ni ringawt ang.

.....Karlehah chhunzawm leh mai ang

NEUVA

✂ Dt. 20-22.3.2012 zan khan Passport photo siana sumtuakna section huamchhung ah neih a ni a, Thlalak lo siamtirtu zawng zawngte chungah leh member thawk chhuak te chungah lawmthu an sawi a, Camera thawh chhuah puitu Pu Lalbiakzuala, Pu Lalliansangpuia leh Pu R. Lalnuntluanga te chungah lawnthu an sawi bawk.

✂ Section Committee member atan Pu K.Lalchullova, Pu Lalnunsanga leh Tv Jacob Lalrinsanga te ruat an ni.

✂ Leiman pe a sumtuak hnatlang neih tum a ni a, Leiman pek tur nei zawng zawng ten Section sumtuak nan pektir theuh turin an inngen a, Secretary Tv R Laltlankima hnenah Thawhtanni tlai atangin pek theih theih a ni, LSC pakhat Rs 50 a pek tur a ni.

✂ Ni 29.3.2012 zana Kumpuan hawn hunah Seat Arrangement an kutah a awm a, member a tam thei ang ber thawkchhuak turin an inhriattir.

✂ Section Asst Leader Pu Thanruma hna avanga Guwahati a zin mek leh Comt member Ni Lalthachhungi Damparengpui lama zin mek chu dam taka an lo haw leh an duhsak.

KHUANGCHERA

✂ Ni 22.3.2012 a Mizoram Academy of Film Arts(MAFA) leh Communication & Capacity Development Unit, P.H.E Department, Mizoram Water Art 2012 Competition rampum huapa a buatsaihah an Fin. Secy Pu Lalthlamuana fapa te - Lalremruata'n 3rd prize leh Lalrempuia'n Consolation prize an dawng thei chu an lawmpuiin an chhuang hle.

✂ Ni 22.3.2012 khan Section Committee meeting pawimawh tak YMA RUN-ah neih a ni a, thu pawimawh tak tak an rel.

✂ Section bungraw hawh turte'n Property in-charge hnenah hawh duh zat fel taka ziak langin dil tur a ni.

✂ YMAAW man khawn mek a ni a. A la pe lo ten a ranglama pe thuai turin an inngen. Tin, YMAAW la thar duh kan awm anih chuan Pu Zonunsanga (Patea) hnenah inhriattir tur a ni. YMA chanchinbu la duh chuan Pu Lalliansanga (Malala) hnenah hriattir tur a ni.

✂ YMA kumpuan hawnna, March ni 29, Ningani a neih turah member zawng zawngte kal vek turin an inhriattir a. Hruaitute phe chu rokhawlhna lian tak kan nei a nih loh chuan kal ngei ngei tur a ni.

TAITESENA

✂ Ni 30.3.2012 (zirtawpni) zan hian Pu C. Sangkhuma In chungah Fresher Social neih tur a ni a, fiamthu thiam Roluaha sawm a niin, member te hunawl lo insiam a, kal vek turin an inngen.

✂ An hruaitu Ni. Lalthanpuii study tour a delhi a zin pawh dam takin a lo haw leh ta.

✂ Chhungtinte faina chungchangah tan la sauh sauh turin an inngen.

VANAPA

✂ An member Tv LR Bawlliana'n NE Games 2012-ah Boxinga Gold Medal a la chu an chhuangin an lawmpui tak zet a ni.

✂ Pi R.Lalbiakdiki (Madiki) Synod Hospital a kar khat chuang a awm hnuah dam takin alo chhuak leh ta.

✂ An Section Secretary hlui Pu Rohmingthanga'n (Cham Cham Store) mistiri bungrua Kunia pahnih a rawn pe a an lawm takzet a ni.

✂ Sumtuak nan Sertui zawrh a ni a, leisaktu zawng zawng chungah lawmthu an sawi.

✂ Sumtuaknan Section chhunga mite Leiman peksak an ni a, pek tirtu te zawng zawng chungah lawmthu an sawi, leiman pekna receipt hi rawn sem chhuah leh mek a ni, Thawhtan atanga Nilaini zing leh tlaiah Pi Angaihi dawr 'CH Sect' Pu Chunga inhnuaiyah, Chawngbawla Section leh V Section te tan pek leh theih a ni ang.

✂ Ningani zana Kumpuan hawnna inkhawm neih turah member a tam thei ang ber kal turin an inngen, hemi zan hian Ushering Section tihtur a ni a, Usher tur a ruat ten mawhphurhna hlen hram turin an inchah.

CHAWNGBAWLA

✂ Kumpuan hawnnaah hruaitute leh membete kal theuh turin an inhriattir a, Seat rem tur anih avangin tlaiah hna tlan tur a ni.

✂ Kum 2012 chhunga Section Project-ah membete inpumkhat nan Section Sport leh intihhlimna hrang hrang nei turin hma an la mek a, heta tan hian member-te hnenah questionnaire leh quiz an rawn sem dawn a, lawmman pendrive 4GB a ni. Member-te he questionnaire leh quiz hi chhanga thehlu theuh turin an inngen. Lawmman tum saktu Pu JK. Zosangliana Finance Secretary chungah an lawm hle.

✂ Section Amplifier leh Sound Box chhia siamthat tir tak khulchhuah nan hruaitu heng mite hian pawisa an thawh a, a lawmawm hle.

Pu K. Lalthakima - Rs 500

Pu JK Zosangliana - Rs 1000

Dr Lalramliana - Rs 500

Pu Vanlalnggheta Pachuau -Rs 1300

Pu Vanlalflana - Rs 100

Pu R. Lalhmingthanga - Rs 100

Pu C. Lalmuanpuia - Rs 500

Tv B. Lalsawmzuala - Rs 1000

Tv H. Lalrinmawia - Rs 500

✂ Pu Laldawngliana damlo chu a dam leh thuai theih nan duhsakna an hlan.

✂ Vawiin tlai inkhawm banah hian Hruaitu mipa zawng zawngte Treasurer Pu Lalruatsanga inah kal khawm vek tur a ni e.

Chanmari West Branch YMA - in Synod Hospital tana thisen pek runpui a neih tuma thisen petute:-

VANAPA

1. El Johan Thiak
2. R Vanlalneiha
3. J Vanlalngghaka
4. Dr Zoremawia
5. Lalthlangdika
6. Lalmuanpuia
7. Lalrinsanga
8. Laltlansanga
9. Vanhmingthanga
10. R Lalrinnggheta
11. K Lalchhuanawma
12. Lalzekima
13. T Lalremruata
14. H Lalremtluanga
15. R Laltlansanga
16. B Lalthazuala
17. Francis Lalruatfela
18. H Vanlalvena
19. T Sangkhuma,
20. Lalrintluangi
21. John Lalduhawma
22. Lalzawni
23. Zoar Lalrammawii
24. Saidingliani
25. H Lalbiaknungi
26. Lalhriatrengi
27. R Lallawmkimi
28. Malsawmkimi (Lakuki)
29. Melody Lalhriatkimi
30. Lalnunmawii Pautu

CHAWNGBAWLA

1. Pincky Malsawmtluangi
2. J Lalnangliana
3. Rosangpuia
4. R Lalbiakhluna
5. Zohmingthanga
6. Lalruatkima
7. Lalrinsanga Tlau
8. R Lalchawimawia
9. Lalrinawma
10. C Lalfamkima
11. T Zothanpuia
12. JK Zosangliana
13. VL Nunpuia
14. K Vanlalrinawma
15. H Lalrinmawia
16. K Lalthakima
17. Hmingthanzauva
18. K Lalsangzuala
19. Zodinmawii
20. Lalchhandami Pachuau
21. Rebecca Lalsangpuii
22. LC Awmi
23. Lalnunziri
24. K Zorinpuii
25. Malsawmdawngliana

NEUVA

1. Jacob Lalrinsanga
2. R Laltlankima
3. Lalhmingthanga Pautu
4. EVL Hruaitluanga
5. Lalrindiki Ralte
6. JH Lalmawizuala
7. Zomuanpuia
8. Vanlalngghaka
9. Hmingthanmawia
10. Lalmangaihsangi
11. Lalmuanpuii (Nubawihi)

Karleh lamah Section dang chu kan chhunzawm leh mai dawn nia.

